



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de
Romæ, M. DCC. XIX.**

Casus I. Argumentum. An Episcopus statuere possit terminum Religiosis
ad assignandam congruam portionem Præsentato ab eis ad Ecclesiam
Parochialem; Et an istitutio, seu admissio Præsentati absque ...

[urn:nbn:de:hbz:466:1-72172](#)

ARGUMENTUM.

An Episcopus statuere possit terminum Religiosis ad assignandam congruam portionem Præsentato ab eis ad Ecclesiam Parochialem. Et an institutio, seu admissio Præsentati absque assignatione congruae portionis sit valida.

SUMMARIUM.

- 1 Episcopus exercere non potest jurisdictionem in exemptos. Limita ut num. 4.
- 2 Patrono Laico non potest præfigi terminus ad assignandam congruam portionem Parocho de fructibus Parochie.
- 3 Episcopus potest statuere terminum Religiosis ad assignandam congruam portionem Præsentato ab eis ad Ecclesiam Parochialem, quæ se ab eis non assignetur potest assignari ab Episcopo.
- 5 Numerantur modi, quibus Ecclesia Parochialis potest esse subjecta Regularibus.
- 6 Ad cognoscendum an factum contra Constitutionem valeat, quid considerari debet.
- 7 Institutio Præsentati à Religiosis absque prævia assignatione congruae est valida.

CASUS I.

VAcante Ecclesia Parochiali unita quoad temporalia Monasterio Regularium A, isti præsentarunt ad illam quemdam Sacerdotem idoneum; Episcopus verò præfixit eisdem Regularibus terminum quindecim dierum ad assignandam Præsentato congruam portionem, quo non obstante, Regulares nullam assignarunt congruam intrà terminum statutum, & Episcopus instituit Præsentatum; queritur

Primi: An Episcopus præfigere possit Regularibus terminum ad assignandam congruam Præsentato ad Ecclesiam Parochialem ad ipsos spectantem?

Secundi: An institutio Præsentati facta per Episcopum absque prævia assignatione congruae suffineatur?

I Ad primum respondendum videtur non posse Episcopum præfigere ullum terminum Regularibus ad assignandam

congruam portionem Præsentato ad Ecclesiam Parochialem eorum Monasterio subjectam, talis namque præfixio termini sapit, ac importat Jurisdictionem, quam Episcopus exercere non potest in exemptos, juxta auctoritates relatas Par. II. Can. XIV. & XV. Cas. VIII. num. 3., Insuper Regulares non aliud consequuntur in Ecclesia Parochiali spectante ad eorum Monasterium nisi id, quod consequitur quilibet Laicus ratione Jurispatronatus, ut testatur Lambertin. de jure patr. lib. 2. par. 3. quest. 10. art. 1. num. 2.,

2 Laico autem non potest præfigi terminus ad assignandam Præsentato per eum ad Ecclesiam Parochiale congruam portionem de fructibus Parochie, cum Laicus ex vi Jurispatronatus non consequatur hujusmodi fructus; Lamberlin. ubi supra art. 5., Passerin. in cap. Suscepti de præben. & dignit. in 6. num. 16.; Igitur nec Religiosis iste terminus præfigi poterit ab Episcopo.

3 At nihilominus censeo Episcopum habere facultatem præfigendi terminum competentem Regularibus, sive eorum Procuratori ad assignandam Parocho, aut Vicario perpetuo per eos præsentato ad Ecclesiam Parochiale quoad temporalia eorum Monasterio subjectam, portionem congruam, & sufficientem non solum pro ejus victu, & sustentatione; sed etiam pro necessariis expensis ejusdem Ecclesie, & pro solutione Jurium Episcopali, adeòut si elapsa dicto termino non fuerit à Religiosis assignata dicta portio reddituum Ecclesie Præsentato, potest, & debet Episcopus propria auctoritate illam ei assignare, juxta dispositiōnem hujus Canonis, ibique Glosa., Ancharan., Imol. num. 1., Butr. in cap. de Monachis de præben. num. 11., Lamberlin. de jurepatronat. par. 3. quest. 10. artic. 2. 6. & 9.

4 Nullatenus adversante, quod Regulares gaudeant exemptione ab Ordinarii jurisdictione; siquidem exemptio hæc in hoc casu in nulla haberi debet consideratione; sed ea non obstante valet Episcopus compellere Regulares ad assignandam congruam Præsentato, etiam per censuras, eisque præfigere terminum ad hujusmodi assignationem, ea ratione quia Regulares licet exempti, in quampluribus tamē subiit

subjiciuntur Ordinariis, ut expressè sanctum fuit ab hoc *Canone*, & antecedenter definitum fuit à Clemente III. *in cap. Suscepti de præben.*, & *dignit. in 6.*, ibi -- *Suscepti regiminis nos cura solicitat &c.* Sanè fuit olim per *Sedem Apostolicam* provide constitutum, ut *Diœcesani locorum ad præsentationem Religiosorum nullum ad aliquam Ecclesiæ recipient nisi tantum ei de proventibus ipsius Ecclesiæ coram eis fuerit assignatum, unde jura Episcopalia possint solvere, & congruam sustentationem habere.* Verùm (sicut nobis querela multorum frequens insinuat) *Religiosi exempti de proventibus Parochialium Ecclesiarum, in quibus jus obtinent patronatus, seu Rectorum præsentatio pertinet ad eosdem, tantum percipiunt annuatim, quod Rectores Ecclesiarum ipsarum non possunt de residuo commode sustentari, & Episcopalia jura persolvare, ac alia incumbentia eis onera supportare; propter quod sape contingit quod non inveniuntur personæ idoneæ, quæ hujusmodi Ecclesiæ velint recipere: siveque frequenter minus idoneis conferuntur, ex quo pericula imminent Animarum.* Nos itaque volentes super hoc salubre remedium adhiberi: *Præfenti decreto statuimus, & mandamus Constitutionem hujusmodi quoad omnes Patronos Ecclesiarum Religiosos tam exemptos, quam non exemptos, & alios inviolabiliter observari consuetudine contraria non obstante -- Monacell. formul. legal. 6. tit. 3. num. 11. par. 3.*

5 Neque universaliter, & absolutè subsistit, quod Regulares in Ecclesiis Parochialibus sibi subjectis non aliud consequantur nisi id, quod consequitur quilibet Laicus ratione Jurispatronatus; pro remotione namque hujus æquivoci sciendum est multipliciter Ecclesiæ Parochialem esse posse subjectam Regularibus, sive eorum Monasterio, nimurum potest esse subjecta primo quoad Juspatronatus; eo quia ipsis ex fundatione, constructione, dotatione, aut donatione competit jus ad illam præsentandi Rectorem. Secundò, quoad institutionem collativam. Tertiò, quoad institutionem auctorizabilem. Quartò, quoad temporalia, eo quia propter Regularium inopiam fuerit eis concessa à Papa, vel ab Episcopo Ecclesia quoad temporalia. Quintò, quoad temporalia simul, & spiritualia. Quamvis

quando Ecclesia est subjecta Regularibus solum quoad Juspatronatus, isti nihil plus consequantur in ea, quam alii Patroni Laici; & consequenter non possit eis prefigi terminus ad assignandam congruam Parocho ab ipsis præsentato, cùm non percipient fructus ejusdem Ecclesiæ Parochialis, sicuti eos non percipiunt, quando Ecclesia est ipsis subjecta quoad institutionem collativam, vel quoad institutionem auctorizabilem. Tamen quando Ecclesia est eisdem Regularibus subjecta quoad temporalia, uti est casus, de quo agitur, vel quoad temporalia simul, & spiritualia, ipsis non æquiparantur aliis Patronis Laicis; sed potest, & debet illis assignari terminus ad constituendam Parocho, vel Vicario perpetuo congruam sustentationem, de fructibus ejusdem Ecclesiæ, eo quia percipiunt fructus Ecclesiæ, & quod supereft, possunt convertere in propriam eorum utilitatem, juribus Episcopaliis, & aliis Ecclesiæ oneribus persolutis, juxta doctrinam *Abbatis in cap. De Monachis de præben.*, & *dignit. num. 5.*, quem sequuntur *Lambertin. de jurepatronat. lib. 2. par. 3. quæst. 10. art. primo num. 2.*, *Passerin. in capit. Suscepti de præben.*, & *dignit. in 6. num. 4.*, & seqq., *Lotter. de re benef. lib. 2. qu. 12. num. 2.* & seqq.

6 Descendendo vero ad secundum Dubium, pro illius resolutione, præsupponendum est, quod ad cognoscendum an factum contra Constitutionem valeat, & sustineatur, considerari debeat, an Constitution inhibens procedat ultra, aut non procedat ultra, sed simpliciter inhibeat; Si procedat ultra animadverti etiam debet, an procedat ultra actum confirmando, aut infirmando, aut procedat ultra, dando remedium contra factum, aut procedat ultra apponendo poenam. Primo casu factum contra Constitutionem valet, secundo casu non valet, tertio casu si est remedium rescissorium valet actus, sed potest rescindi, quarto casu si imponatur poena inferens necessariò nullitatem actus, non valet, secus si non inferat necessariò hujusmodi nullitatem. Si vero Constitution inhibet simpliciter, & tunc, aut ille, cui fit inhibitio, recepit potestatem à Constitutione inhibente, & factum contra Constitutionem non valet, aut non

non recipit ab illa potestatem, & tunc factum non est nullum.

- 7 Hoc supposito ad dubium respondendo, censeo dicendum Institutionem Præsentati factam per Episcopum absque prævia assignatione congruae sustineri, tum quia in hoc Canone non fuit à Clemente V. apposita pena inferens necessariò nullitatem actus, sed solum inhibetur Episcopis sub obtestatione Divini judicii, ne instituat Præsentatum in Parochiali Ecclesia absque assignatione congruae portionis, tum quia Ordinarius non recipit potestatem instituendi ab hoc Canone, ita Gloss. hic verb. Inhibentes, Lambertin. de jurepatronat. lib. 2. par. 3. quæst. 10. artic. 4.

ARGUMENTUM.

Congrua debita Parocho, sive Vicario perpetuo præsentato ad Ecclesiam Parochiale subiectam Monasterio Regularium, in quibus, & in qua summa assignari, & taxari debeat.

S U M M A R I U M.

- 1 Congrua semel assignata, & acceptata non potest amplius augeri, nec minui. Amplia, ut num. 2., limita, ut num. 10.
- 3 Enumerantur plures species emolumentorum Parochialium.
- 4 Congrua an & in quibus emolumentis incertis assignari possit Parocho, sive Vicario perpetuo, & num. 5.
- 6 Monasterium si percipiat decimas tenetur augere, & assignare Congruam Vicario perpetuo, etiam in decimis, constito de insufficientia ejusdem congruae. Amplia, ut num. 8., & quare vide num. 9.; Secus si non percipiat decimas, quia tunc cogi debent Parochiani, & num. 7.
- 11 In assignatione congruae nulla habenda est ratio emolumentorum, quæ Parocho, sive Vicarius perpetuus ex aliis Beneficiis, vel legatis extra Ecclesiam Parochiale percipit.
- 12 Congra in qua summa sit taxanda, & assignanda Parocho; Concilium Tridentinum totum reposuit arbitrio Ordinarii,

- 13 Ordinarius in assignatione congruae, ad quam respicere debet?

- 14 Congrua est veluti dos Parochi ad supportanda onera matrimonii spiritualis.

- 15 Divus Pius determinavit congruam debere esse certam, sed non minorem quinquaginta, nec majorem centum scutorum. Intellige, ut num. 16.

- 17 Parochus debet esse contentus congrua sibi sufficienter assignata.

- 18 Vicarius perpetuus præsentatus ad Ecclesiam Parochiale spectantem ad Regulares an teneatur se conformare Constitutionibus Synodalibus, & Ordinationibus Episcopi, quoad omnia in ordine ad Sacramentorum administrationem, & curam Animarum.

C A S U S II.

VIcarius perpetuus Ecclesiae Parochialis A subjectæ cuidam Monasterio Regularium experiens congruam sibi in actu suæ provisionis à Regularibus assignatam in scutis decem derrahendis ex bonis ejusdem Parochiæ, & in emolumentis funerum Baptismatum, & Matrimoniorum, esse minus sufficientem pro ejus sustentatione, ut potè ascendentem solum ad scuta quindecim circiter petiit ab eisdem Regularibus, ut congrua hæc sibi augeatur, & assignetur etiam in decimis, quas Regulares percipiunt, & exigunt à Parochianis dictæ Parochiæ; Queritur in hoc casu, an dicta congrua sit huic Parocho augenda, & assignanda etiam in decimis.

Quod non sit augenda, nec assignanda in decimis suadere videtur factum ipsius Vicarii, seu Parochi, iste enim Præsentatus à Regularibus ad Ecclesiam Parochiale, eam acceptavit sub congrua portione sibi assignata in dictis scutis decem, & in emolumentis funerum Baptismatum, & Matrimoniorum, & cum ea unitim cum fructibus cuiusdam simplicis Beneficii, quod retinebat, vixit per aliquot annos, successivè proinde prætendere non potest, ut sibi augeatur, & assignetur dicta congrua etiam in decimis, quia congrua semel assignata, & acceptata non potest amplius augeri, & sibi imputare debet Vicarius, quod acceptaverit congruam nimis tenuem, Tondut. quæst. benef. cap. 58. num. 6. tom. 1., Rot. dec. 239. num. 1.